



Broj: 01/10-11-4441-1/23
Sarajevo: 30.05.2023. godine

Na osnovu člana 20. stav (2) Odluke o izvršavanju Budžeta Grada Sarajeva za 2023. godinu ("Službene novine Kantona Sarajevo", broj: 2/23), gradonačelnica Grada Sarajeva putem Gradske službe za obrazovanje, kulturu, sport i mlade (u daljem tekstu: Služba) raspisuje:

JAVNI POZIV
za sufinansiranje programa, projekata u oblasti sporta iz Budžeta Grada Sarajeva

Pravo učešća na Javnom pozivu imaju organizacije u sportu i to: klubovi, sportska društva i udruženja sportskih klubova u pojedinim sportovima - sportski savezi, (u daljem tekstu: "Organizacije u sportu"), koji dostave odgovarajuće programe, projekte iz oblasti sporta, za 2023. godinu, te koji djeluju na teritoriji Grada Sarajevo (četiri gradske općine: Stari Grad, Centar, Novo Sarajevo i Novi Grad).

Pravo učešća na Javnom pozivu nemaju one organizacije u sportu koje su po nekom drugom osnovu već bili ili su planirani, kao korisnici sredstava u Budžetu Grada Sarajeva za 2023. godinu, kao ni one organizacije u sportu koje nisu dostavile izvještaj o namjenskom utrošku sredstava za prethodno odobrena sredstva iz Budžeta Grada Sarajeva, do momenta raspisivanja Javnog poziva.

Sredstva za realizaciju Javnog poziva obezbijedena su u Budžetu Grada Sarajeva za 2023. godinu ("Službene novine Kantona Sarajevo", broj: 2/22) na poziciji 614300: Tekući transfer neprofitnim organizacijama: Podrška sportskim udruženjima/klubovima po javnom pozivu, u ukupnom iznosu od 120.000,00 KM.

Organizacije u sportu koje se prijavljuju na Javni poziv uz popunjen prijavni obrazac, dužne su da dostave potrebnu dokumentaciju kojom se dokazuje ispunjenje Općih i Posebnih kriterija.

a) Opći kriteriji

1. Izvod Rješenja o upisu u registar nadležnog državnog, federalnog, kantonalnog ili drugog nadležnog organa, ne stariji od tri mjeseca, od dana objavljivanja Javnog poziva;
2. Identifikacioni broj za pravno lice;
3. Potvrda iz banke o solventnosti računa i transakcijski broj, ne stariji od mjesec dana;
4. Ovjerena izjava o obezbijedenim tehničkim uslovima za realizaciju planirane aktivnosti;
5. Ovjerena izjava o obezbijedenim ljudski i materijalni resursi neophodni za realizaciju planiranih aktivnosti;
6. Dostavljen finansijski izvještaj za prethodnu godinu, ako su korištena sredstva iz Budžeta Grada Sarajeva;
7. Dostavljen plan aktivnosti sa naznačenom konstrukcijom finansiranja (prihodi i rashodi);
8. Uvjerenje o izmirenim poreskim obavezama (Poreska uprava);
9. Uvjerenje o izmirenim doprinosima za zaposlene (ukoliko ima zaposlenih)
10. Potvrda strukovnog saveza (kantonalni, federalni ili državni) treba da sadrži podatke o izmirenju redovnih obaveza prema savezu, da je podnosilac član saveza, da nastupa na zvaničnim takmičenjima saveza i ispred saveza na zvaničnim međunarodnim takmičenjima, te da nije bila



obuhvaćena suspenzijom, proizašlom iz doping kontrole, od strane srodnih sudijskih komisija, saveza, komiteta. Potvrda ne treba biti starija od mjesec dana.

11. Dokaz o učešću i postignutim rezultatima, odnosno učešću u organizaciji domaćih ili međunarodnih takmičenjima u prethodnoj godini ili Izjava na vlastitom memorandumu da podnosilac prijave nije učestvovao ili postigao rezultat, odnosno učestvovao u organizaciji domaćih ili međunarodnih takmičenja.

Opis Općih kriterija

- Posebno navesti svaku navedenu stavku iz Općih kriterija;
- Pod 1., 3. i 10. tačkom Općih kriterija, obratiti pažnju na starost dokumentacije koja se predaje za Javni poziv, navedeno vremensko ograničenje se odnosi na dan od raspisivanja Javnog poziva;
- Ovjerenu izjavu o obezbijeđenim tehničkim uslovima za realizaciju planiranih aktivnosti potrebno je da prati kopija predugovora ili ugovora o najmu/zakupu sportskog terena/arene/prostora, odnosno u izjavi navesti da već posjedujete namjenski prostor za provođenje planiranih aktivnosti;
- Ovjerena izjava o obezbijeđenim ljudskim resursima, treba da sadrži spisak osoba koje će biti angažovane na provođenju planiranih aktivnosti;
- Ovjerena izjava o obezbijeđenim materijalnim resursima, treba da sadrži izjavu da imate minimalno obezbijeđeno 30% materijalnih sredstava na računu za provođenje planiranih aktivnosti, dostaviti kopiju izvoda bankovnog računa;
- Ukoliko ste bili korisnik sredstava iz Budžeta Grada Sarajeva u prethodnim godinama, potrebno je da ste već dostavili narativni i finansijski izvještaj, odnosno ukoliko niste bili korisnik sredstava iz Budžeta Grada Sarajeva, potrebno je da dostavite Izjavu da do dana raspisivanja Javnog poziva niste bili korisnik sredstava iz Budžeta Grada Sarajeva. Postoji otvorena mogućnost da Služba traži dokaz o izvršenom pravdanju sredstava.
- Detaljan prikaz prihoda od strane donatora i drugih institucija, sa tačno navedenim iznosom očekivanih sredstava iz Budžeta Grada Sarajeva za 2023. godinu po Javnom pozivu, te detaljan plan rashodovanja sredstava.

Napomena:

Ukoliko se u prijavi ne budu nalazili tražene informacije i dokumentacija, ista će biti smatrana neadekvatnom, te ukoliko dokumentacija ne bude složena redoslijedom navedenim pod Općim kriterijima, ista će se smatrati neurednom, te neće biti predmetom razmatranja, obzirom da se očekuje veliki broj prijava na ovom javnom pozivu.

b) Posebni kriteriji

1. Program, projekat kojim se aplicira za sufinansiranje, sa jasnom definicijom ciljne grupe i očekivanim rezultatima, te finansijski plan projekta s izvorima prihoda i očekivanim rashodima;
2. Kratak opis organizacije sa podacima o prethodno realizovanim projektima i kvalifikaciji kadrova koji implementiraju projekat (odgovorne osobe, saradnici, volonteri);
3. Značaj programa, projekta za Grad Sarajevo;
4. Dokaz o dosadašnjim rezultatima i uspjesima u prethodnoj godini, koji su ostvarili rezultate na kantonalnim, državnim i međunarodnim takmičenjima;
5. Vrsta planiranih aktivnosti i mjesto njihovog odvijanja;
6. Planirani metod rada i očekivani rezultati;
7. Predviđeni broj učesnika i njihova starosna dob;
8. Programi, projekti za pripremanje, organizovanje i provođenje sportskih takmičenja;

9. Programi, projekti koji su edukativnog karaktera, sa akcentom na sportski odgoj i obrazovanje djece;
10. Aktivnosti koje promovišu takmičarski sportski duh uz timski rad i fair play u oblasti sporta.
11. Izjavu da ciljna grupa programa, projekta nije u prethodne tri godine bila pod suspenzijom, proizašlom iz doping kontrole, odnosno da ciljna grupa programa, projekta nije u prethodnoj takmičarskoj godini bila pod suspenzijom, proizašlom od strane sudijskih komisija, saveza, komiteta.

Program, projekat mora imati jasnu definiciju ciljne grupe (kome je namijenjen) i očekivane rezultate (efekti na ciljnu grupu).

Opis Posebnih kriterija

- Posebno navesti svaku navedenu stavku iz Posebnih kriterija;
- Ciljna grupa programa, odnosno projekta kojim se aplicira za sufinansiranje, treba biti jasno definisana i to:
 - o Ukoliko se projekat odnosi na pojedinačni sport, potrebno je da Organizacija u sportu navede pojedinca ili grupu pojedinaca na koje se projektna aktivnost odnosi;
 - o Ukoliko se projekat odnosi na grupni sport, potrebno je da Organizacija u sportu navede na koje se aktivnosti projekat odnosi;
 - o Ciljna grupa projekta se ne može odnositi na sportski odgoj i obrazovanje, već na grupe u razvojnom i vrhunskom sportu.
- Kratki opis Organizacije u sportu, sa navedenim projektima i kvalifikaciji kadrova koji implementiraju projekat (odgovorne osobe, saradnici, volonteri)
- Značaj programa, projekta za Grad Sarajevo treba da se odnosi na to da će se planirane aktivnosti provoditi na teritoriji Grada Sarajevo (četiri gradske općine), odnosno da će projekat imati za cilj promociju grada Sarajeva na državnom, regionalnom i međunarodnom planu.
- Aktivnosti koje promovišu takmičarski sportski duh, uz timski rad i fair play su ključni element sportske kulture koja promoviše zdravu takmičarsku atmosferu i razvija moralne vrijednosti među igračima. Na osnovu navedenog potrebno je dostaviti Izjavu:
 - o da se ciljna grupa programa, projekta nije u prethodne tri godine nije nalazila suspenzijom, proizašlom iz doping kontrole;
 - o da se ciljna grupa programa, projekta, u prethodnoj takmičarskoj godini nije nalazila pod suspenzijom, proizašlom od strane sudijskih komisija, saveza, komiteta.

c) Bodovanje kriterija

Bodovanje kriterija će se odnositi samo na Posebne kriterije, a eliminatoran faktor u Javnom pozivu će biti Opći kriteriji i zacrtano neostvareni broj bodova.

Bodovanje posebnih kriterija će se provoditi na sljedeći način:

- 1) Ukoliko ciljna grupa prema programu, projektu planira zvaničnu/o organizaciju/učešće:
 - o Na lokalnom/g, federalnom/g, državnom/g i balkanskom/g takmičenja – **3 boda**;
 - o Međunarodnog takmičenja – **6 bodova**.
- Bodovanje se vrši na osnovu analize projekta.
- 2) Ukoliko Organizacija u sportu u prethodnom periodu:
 - o Nije bila pod suspenzijom proizašlom iz doping kontrole – **2 boda**;
 - o Nije bila pod suspenzijom proizašlom od strane sudijskih komisija, saveza, komiteta – **3 boda**.
- Bodovanje se vrši na osnovu potvrde matičnog saveza.

- 3) Ukoliko je ciljna grupa u prethodnom periodu:
 - Dobila priznanje na zvaničnom kantonalnom takmičenju – **2 boda**;
 - Dobila priznanje na zvaničnom federalnom, državnom i regionalnom takmičenju – **4 boda**;
 - Dobila priznanje na zvaničnom međunarodnom takmičenju – **6 bodova**.
- Boduje se samo najviše dobijeno priznanje, nije moguće kombinovati bodove od više priznanja.

- 4) Ukoliko se značaj programa, projekta za Grad Sarajevo utvrdi na:
 - Lokalnom kantonalnom nivou – **3 boda**;
 - Organizacija i učešće u/na zvaničnim sportskim natjecanjima navedenog nivoa;
 - Promocija Grada Sarajevo na federalnom, državnom i regionalnom nivou – **4 boda**;
 - Organizacija i učešće u/na zvaničnim sportskim natjecanjima navedenog nivoa;
 - Promocija Grada Sarajevo na međunarodnom nivou – **6 boda**;
 - Organizacija i učešće u/na zvaničnim sportskim natjecanjima navedenog nivoa;
- Ukoliko se utvrdi da program projekta podnosioca nema značaja za Grad Sarajevo, isti neće biti predmetom razmatranja.

- 5) Ukoliko se/je takmičar ili klub u prethodnoj sezoni, domaćeg prvenstva:
 - Učestvovao u najvišem rangu matičnog sportskog takmičenja – **2 boda**;
 - Na kraju takmičarske sezone, se nalazio na drugom ili trećem mjestu najvišeg ranga domaćeg prvenstva – **4 boda**;
 - Na kraju takmičarske sezone, se nalazio na prvom mjestu najvišeg ranga domaćeg prvenstva – **6 bodova**.

- 6) Ukoliko se/je takmičar ili klub:
 - U prethodnoj sezoni, ostvario plasman na međunarodno prvenstvo, u kojem imaju pravo učešća Organizacija iz sporta – **3 boda**;
 - U prethodnoj sezoni, u ukupnom poretku, na međunarodnom prvenstvu, zauzeo mjesta od četvrtog do desetog mjesta tabele – **4 boda**;
 - U prethodnoj sezoni, u ukupnom poretku, nalazio na drugom ili trećem mjestu međunarodnog prvenstva – **6 bodova**;
 - U prethodnoj sezoni osvojio prvo mjesto u najvišem rangi međunarodnog takmičenja – **10 bodova**;
 - U prethodnoj sezoni postigao rezultat, kojim je postavio državni rekord – **10 bodova**;
- Stavka se odnosi i na sportske klubove i sportska društva i udruženja sportskih klubova u pojedinim sportovima – sportske saveze.

Najviši ostvaren broj bodova na kraju zbira utvrđenog kroz analizu i pregled pristiglih prijava na Javnom pozivu ne može biti veći od broja 55 (slovima: pedesetpet).

Ukoliko se pregledom i analizom utvrdi da pristigla prijava ne zadovoljava zbir od 18 (slovima: osamnaest) bodova, ista će biti odbačena.

Prijave sa cjelokupnom dokumentacijom, pristigle na Javni poziv, nadležna Služba upućuje na Komisiju koju imenuje gradonačelnica Grada Sarajeva. Komisija nakon obrade i analize svih pristiglih prijava, a u skladu sa općim i posebnim kriterijima dostavlja svoje mišljenje, te prijedlog sa visinom i namjenom odobrenih sredstava upućuje gradonačelnici Grada Sarajeva.

Napomena:

Ukoliko se u prijavi ne budu nalazili tražene informacije i dokumentacija, ista će biti smatrana neadekvatnom, te ukoliko dokumentacija ne bude složena redoslijedom navedenim pod Posebnim kriterijima, ista će se smatrati neurednom, te neće biti predmetom razmatranja, obzirom da se očekuje veliki broj prijava na ovom javnom pozivu.

Način podnošenja prijava

Prijave na Javni poziv podnose se u roku od 20 dana od dana objavljivanja istog na službenoj web stranici Grada Sarajeva, lično na protokol ili putem pošte na adresu Grad Sarajevo, Gradska uprava, Gradska služba za obrazovanje, kulturu, sport i mlade, Ćemaluša broj 9/III, sa naznakom „Javni poziv za sufinansiranje programa, projekata organizacija u sportu iz Budžeta Grada Sarajeva 2023“.

Sva potrebna dokumentacija kojom se dokazuje ispunjenje kriterija za sufinansiranje programa, projekata mora biti original ili ovjerena kopija, ne starija od 6 mjeseci, osim navedenih izuzetaka u Općim kriterijima, te poredana i uvezana po redoslijedu općih i posebnih kriterija.

Neblagovremene, nepotpune, neadekvatne, neuredne prijave i programi, projekti koji nisu od značaja za Grad Sarajevo, neće biti uzete u razmatranje. Pristigla dokumentacija se ne vraća podnosiocima zahtjeva nakon završenog Javnog poziva.

Prijave sa cjelokupnom dokumentacijom, pristigle na Javni poziv, nadležna Služba upućuje na Komisiju koju imenuje gradonačelnica Grada Sarajeva. Komisija nakon obrade i analize svih pristiglih prijava, a u skladu sa općim i posebnim kriterijima dostavlja svoje mišljenje, te prijedlog sa visinom odobrenih sredstava upućuje gradonačelnici Grada Sarajeva. Nakon davanja saglasnosti pristupit će se sačinjavanju pojedinačnih Odluka o odobravanju novčanih sredstava.

Lista izabranih organizacija u sportu biće objavljena na službenoj web stranici Grada Sarajeva www.sarajevo.ba.

Sve dodatne informacije mogu se dobiti u Gradskoj službi za obrazovanje, kulturu, sport i mlade, kontakt telefon: 033/407-493, odnosno pismenim putem na e-mail: drdjelat@sarajevo.ba

Napomena:

Organizacije u sportu koje se prijavljuju na Javni poziv mogu aplicirati samo sa jednim projektom po Javnom pozivu.

Sredstva podrške za sufinansiranje ne mogu se koristiti za pokrivanje troškova plata i ostala primanja zaposlenih, pokrivanje troškova ugovora o djelu, pokriće gubitaka, poreze i doprinose.

GRADONAČELNICA

Doc. dr. Benjamina Karić s. r.